



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio XXI.

urn:nbn:de:hbz:466:1-15653

ANNO
CHRISTI
1415.
*Abundæ

Ioannes * Habunde pro se & episcopo Eistetenſi & duce Franconia.

Lampertus de Grolia, pro se & regno Hungaria.

Bertholdus Ruke præpositus Lubecensis, pro se & episcopis Tarbacensi, Oziliensi & Coromenſi.

Petrus Storch in theologia doctor, pro vniuersitate studii Lipsensis.

Ioannes Creſte licentiatus in vtroque iure, pro duce Guilhermo Bauaria, comite Hollandia,

Hannonia & Zelandia.

Magister Albertus de Nuremberga, pro se & episcopo Bambergensi.

Philippus de Lumpreſſa literarum apostolicarum scriptor, pro se & Bartholomæo abbate monasterii sancti Laurentii extra muros Tridentinenses.

* Cuncto * Cuntzo de Suuola, auditor sacri palatii apostolici, & Albertus Varemptapp pro se & archiepiscopo Pragenſi.

Ioannes & Arnoldus Forcheim, literarum apostolicarum scriptores, pro se & electo Getenſi.

Michael de Ezsedal rector parochialis ecclesie in Losen Vratislauenſis diocesis, pro præposito Martalenſi ordinis Præmonstratenſis, Constantienſis diocesis.

Nicolaus de Ballionibus, prior generalis ordinis sancti sepulcri Dominici.

Germinianus pro se & abbate sanctæ Trinitatis Veronenſis, ordinis Vallis Umbroſæ.

Basilius de Trifis, procurator episcopi Vicanenſis.

Fridericus episcopus Fulginatenſis, pro abbate montis * Cassanenſis, & Iacobo episcopo Spoletano, episcopo Nucerinò, & pro Nicolao abbate monasterii de Cruce faxi viui de Fulgineo.

* Marca-
ni,

Dominus Arpinus de Alexandria, pro episcopo Albinganenſi.

SESSIO XXI.

ANNO
CHRISTI
1416.

ANNO a natiuitate Domini millesimo quadringentesimo decimosexto, die vero Sabbati trigesima & penultima mensis Maii, fuit celebrata sessio generalis in maiori ecclesia Constantienſi, præſidente eadem reueren-

Marc. 16.

dillimo patre domino Ioanne episcopo Ostiensi cardina-
li Viuariensi: in qua quidem sessione dicebatur officium
Missæ de Spiritu sancto, cum litanis & aliis * sessionibus
requisitis. Quibus expletis, fiebat sermo ad clerum per
reuerendum patrem Iacobum episcopum Laudensem,
qui pro suo themate assumpsit verba hæc, videlicet: *Ex-
probrauit Deus incredulitatem eorum & duritiam cordis.* Et eo
finito, magister Hieronymus de Praga in medio exi-
stens, ascendens quemdam bancum, replicauit contra
præfatum dominum Iacobum & eius sermonem, & alia
diuersa dixit & allegauit. Quibus & aliis pluribus audi-
tis, reuerendissimus pater dominus patriarcha Constan-
tinopolitanus, vnus de commissariis ipsius Synodi, di-
cto magistro Hieronymo præfente & audiente, senten-
tiam definitiuam contra eundem Hieronymum de Pra-
ga alta & intelligibili voce in scriptis legit & promul-
gauit, prout & quemadmodum in quadam scheda pa-
pyrea, quam in suis manibus tenebat, tenoris inferius in-
fert, plenius continetur & habetur. Qua siquidem sen-
tentia lecta, & per Synodum vniuersaliter approbata, &
per deputatos nationum, Antonium Concordiensem,
Vitalem Tolonensem, Nicolaum Mersburgensem, &
Patricium Cortagensem, episcopos, ac præfatum domi-
num Ostiensem, per verbum, Placet: idem Hieronymus
traditus est potestati sæculari, & combustus fuit.

Tenor sententiæ definitiuæ latæ contra Hieronymum de Praga.

In nomine Domini. Amen.

Ioan. 15.

Christus Deus & saluator noster vitis * matura, cu-
ius pater agricola est, discipulos ceterosque fideles suos
in illis instituens, inquit: *Si quis in me non manserit, mitte-
tur foras sicut palmes, & arefcet.* Cuius summi doctoris & ma-
gistri doctrinam sequens, & præcepta exequens hæc fan-
cta Constantiensis Synodus, in causâ inquisitionis hære-
ticæ prauitatis per eandem sanctam Synodum mota,
fama publica referente, & clamorosa insinuatione de-
monstrante, contra magistrum Hieronymum dictum de
Praga, dictum magistrum in artibus, laicum, ex cuius
causâ actis & processibus constat, eundem Hierony-
mum tenuisse, asseruisse, dogmatizasse nonnullos arti-
culos

ANNO
CHRISTI
1416.

culos hæreticos & erroneos, dudum a sanctis patribus reprobatos: quosdam vero blasphemos, & alios scandalosos, & alios piarum aurium offensiuos, temerarios & seditiosos, dudum per damnatæ memoriæ viros Ioannem Vuicleff & Ioannem Hus assertos, prædicatos & dogmatizatos, ac in nonnullis eorum libris & opusculis insertos. Quique doctrina & libri prædictorum Ioannis Vuicleff & Ioannis Hus, ac Vuicleff memoria, dictique Ioannis Hus persona, per eandem sanctam Synodum & eius sententiam de hæresi damnati & damnatæ fuerunt. Quamque damnationis sententiam idem Hieronymus postmodum, pendente huiusmodi inquisitionis causâ, in eadem sancta Synodo cognoscens & profitens veram, catholicam & apostolicam fidem approbavit, & eidem consensit, anathematizauitque omnem hæresim, præcipue eam, de qua erat infamatus, & se confitebatur infamatum, & quam præteritis temporibus dogmatizauerunt & tenuerunt Ioannes Vuicleff & Ioannes Hus in suis opusculis, sermonibus & libellis, & propter quam seu quas, eum suis dogmatibus & erroribus ab eadem sancta Synodo damnati fuerunt tamquam hæretici, & eorum doctrina similiter damnata; præmissorumque omnium damnationem professus, & iuravit se in hac fidei veritate permanurum. Et si ipse quidquam contra sentire, prædicare præsumperit, Canonum seueritati subiacere, & æternæ poenæ voluit obligari. Nec non suam professionem manu sua conscriptam eidem sanctæ Synodo obtulit atque dedit. Post quas professionem & abiurationem multis diebus transactis, sicut canis ad vomitum rediens, vt virus pestilentissimum quod in suo latitabat pectore, publice euomeret, audientiam publicam sibi dari in eadem sancta Synodo postulauit. Qua sibi concessa, coram eadem Synodo publice congregata asseruit, dixit & professus est in effectu, quod præfata sententiæ damnationis dictorum Ioannis Vuicleff & Ioannis Hus inique consenserat, & illam sententiam approbando mentitus fuit. Nec verebatur se confiteri mentitum: quinimo confessionem, approbationem & professionem suas super illorum damnatione reuocabat nunc & in æternum, asserens se in libris Ioannis Vuicleff & Ioannis Hus nullam vnquam hære-

sim vel errorem legisse, licet ante fuerit confessus, & probatum sit euidenter, ipsum libros eorum diligenter studuisse, legisse & dogmatizasse, & in quibus constat plures errores & hæreses contineri. Vnde idem Hieronymus de sacramento altaris & transsubstantiatione panis in corpus professus est se tenere & credere, quod ecclesia tenet; dicens, se plus credere Augustino & ceteris ecclesiæ doctoribus, quam Ioanni Vuicleff & Ioanni Hus. Constat insuper ex præmissis, eundem Hieronymum prædictis Vuicleff & Hus damnatis & eorum erroribus adhærere, illorumque fautorem fuisse & esse: propter quæ eadem sancta Synodus eundem Hieronymum palmitem putridum, aridum, in vite non manentem, foras mittendum decernit, ipsumque hæreticum, & in hæresim relapsum, excommunicatum, anathematizatum pronuntiat & declarat, atque damnat.

SESSIO XXII.

De vniõne ambasiatorum regis Aragonum.

DIE Iouis decimaquinta mensis Octobris, anno a natiuitate Domini millesimo quadringentesimo decimosexto, indictione nona, fuit celebrata sessio generalis in maiori ecclesia Constantiensi, ad hoc specialiter deputata, & reuerendissimus pater dominus Bartholomæus archiepiscopus Mediolanensis schedulam tenoris subsequenti legit & publicauit.

Decretum locationis ambasiatorum regis Aragonum.

Sacrofancta Synodus Constantiensis considerans, quod ad suam & suorum ad hoc deputatorum instantiam, oratores carissimorum ecclesiæ filiorum Iacobi & Ioannæ, regis & reginæ Ierusalem & Sicilia illustrium, requisiti fuerunt, vt quoniam expectantur oratores carissimi ecclesiæ filii regis Castellæ & Legionis illustris huc ad Synodum venturi, ad perficiendum cum ipsa Synodo ecclesiæ vniõnem, placeret eisdem oratoribus dictorum regis & reginæ, dimittere locum, quem in loco sessionis nunc tenent, tamquam qui eisdem oratoribus dicti regis Castellæ venientibus debebitur, & durante præfenti Concilio, vadant ad partem sinistram immediate post